

## ثواب الصلوات الخمس

شريف علي

السلام عليكم. بسم الله والحمد لله والصلاة والسلام على رسول الله. في بخاري ومسلم عن ابي هريرة رضي الله عنه قال قال رسول الله صلى الله عليه وسلم رأيتم لو ان نهرا بباب احدكم يغتسل فيه كل يوم خمس مرات. هل يبقى من درنه شيء - [00:00:00](#) ده من حسن تعليم النبي عليه الصلاة والسلام للصحابة. يقول لهم ايه تخيل كده لو انت قدام البيت عندك على طول فيه بحر. فبتنزل بتنزل البحر ده خمس مرات في اليوم. تغتسل في البحر ده. بتعوم بقى خمس مرات في اليوم - [00:00:18](#) فالنبي عليه الصلاة والسلام بيقول للصحابة كده بيقول لهم ايه؟ رأيتم لو ان نهرا بباب احدكم؟ مش محتاج يبزل مجهود لا ده هو ايه؟ بباب احدكم يغتسل منه او يغتسل فيه كل يوم خمس مرات. هل يبقى من درنه شيء؟ الدرن هو الوسخ. هل لما ينزل البحر خمس مرات في اليوم - [00:00:33](#) هيبقى من درنه شيء وسخ الجسد ده هيبقى فيه حاجة فقالوا لا يبقى من ضرره شيء. فقال صلى الله عليه وسلم فذلك مثل الصلوات الخمس يمحو الله بهن الخطايا. يعني ربنا سبحانه وتعالى بيغفر لنا الذنوب الصغائر الصلوات الخمس - [00:00:53](#) زي ما الشخص اللي بينزل البحر خمس مرات في اليوم الجسد بتاعه بيبقى في غاية النضافة النبي عليه الصلاة والسلام بيعلمنا اهمية الصلاة. وبيقول لك ان ايه ان الصلاة عاملة زي النهر. رأيتم لو ان نهرا بباب احدكم يعني - [00:01:11](#) الموضوع سهل عليك في حديث جابر رضي الله عنهما في صحيح مسلم قال صلى الله عليه وسلم مثل الصلوات الخمس كمثل نهر جار غمر بباب احدكم او على باب احدكم يغتسل فيه كل يوم خمس مرات. يعني انت بتنزل في النهر ده - [00:01:29](#) اللي هو في المغفرة وفي الصلاة بالله بباب احدكم الموضوع سهل عليك خمس مرات يغفر لك الذنوب بتاعتك. الصغائر. النبي عليه الصلاة والسلام قال الصلوات الخمس والجمعة الى الجمعة. ورمضان الى رمضان مكفرات ما بينهما - [00:01:47](#) اذا اجتنبت الكبائر او ما اجتنبت الكبائر. يعني الصغائر الكثير جدا اللي عندنا ربنا سبحانه وتعالى يغفرها بالصلوات الخمس يغفرها من الجمعة لجمعة صيام رمضان من رمضان كل دي مكفرات اذا اجتنبت الكبائر او ما اجتنبت الكبائر لان الكبيرة لها توبة خاصة - [00:02:08](#) محتاجة توبة خاصة ولها الشروط بتاعتها فاللي انا عايز اقله ان احنا يا شباب آآ كثير منّا مقصر في الصلوات الخمس. احنا مش بنتكلم في قيام الليل. مش بنتكلم في صيام اتنين وخميس. مش بنتكلم في النوافل - [00:02:28](#) بتكلم في الصلاة الفرض. اول حاجة الانسان هيسأل عنها. اول حاجة انسان يحاسب عليها فلما الانسان يأسر في الفرض اللي هو اصلا اكثر حاجة بتقربك من ربنا سبحانه وتعالى قال الله عز وجل وما تقرب الي عبدي بشيء - [00:02:43](#) هب الي مما افترضته علي يعني اكثر حاجة ربنا بيحبها واكثر حاجة تقربك منها من ربنا سبحانه وتعالى ان انت تصلي الصلوات الخمس. قال النبي صلى الله عليه وسلم لما سئل عن احب الاعمال الى الله قال الصلاة على وقتها الصلاة على وقتها. عايزين يا شباب نلتزم بالصلاة. ربنا يجعلنا واياكم ممن - [00:02:56](#) يستمعون القول فيتبعون احسنه. جزاكم الله خيرا. والسلام عليكم ورحمة الله وبركاته - [00:03:16](#)